

Här Fernand Etgen  
President vun der  
Deputéiertechamber  
19, um Krautmaat  
L-1728 Lëtzebuerg

Lëtzebuerg, den 13. Juli 2021

Här President,

sou wéi d'Chambersreglement et virgesäit, biede mir Iech, dës parlamentaresch Fro un den Här  
Educationnsminister weiderzeleeden.

Eisen Informatiounen no hunn sech rezent um INL (Institut national des langues) eng  
aussergewöhnlech grouss Unzuel u Persounen (anscheinend e puer Honnert)  
presentéiert fir de Lëtzebuergesch-Examen ze absolvéieren.

An deem Kontext hätte mir folgend Froen un den Här Educationnsminister:

1. Kann den Här Minister deen uewe genannte Fait confirméieren?
2. Wa jo, wéi vill Persoune genee hunn sech fir dee Lëtzebuergesch-Examen um  
INL presentéiert? Wéi ënnerscheet sech déi Zuel vun den  
Duerchschnëttswäerter?
3. Wéi eng Nationalitéiten haten dës Persounen?
4. Wéi sinn d'Resultater ausgefall vun deenen Examen? Wéi vill vun deene puer  
Honnert Leit hunn den Examen, opgeschlësselt no Nationalitéit, gepackt?
5. Wéi vill vun deene Persounen hu virdrun u Lëtzebuergesch-Coursen deelgeholl?

Mat déiwem Respekt,



Fernand Kartheiser  
Deputéierten



Fred Keup  
Deputéierten

**Äntwert vum Minister fir Educatioun, Kanner a Jugend op d'parlamentaresch Fro Nr. 4656 vun den honorabelen Deputéierte Fernand Kartheiser a Fred Keup**

**Ad 1) an 2)**

D'Examen am Lëtzebuergesch am INL sinn aussergewéinlech populär, an esou hunn effektiv an deene leschte Méint vill Leit sech engem vun de verschiddenen Exame gestallt. Ech kann dëst deemno confirméieren.

An deene leschten zwee Méint, méi genee tëschent dem 1. Juni an dem 15. Juli 2021, huet den INL verschidden Examen am Lëtzebuergesch organiséiert:

- de sougenannte Sproochentest, den Examen, deen ee muss packen, fir déi lëtzebuergesch Nationalitéit ze kréien;
- den Zertifikat Lëtzebuergesch als Friemsprooch (LaF);
- den 1. Diplom LaF an
- den 2. Diplom LaF.

Am Ganzen hunn 1.044 Persounen sech am genannten Zäitraum deenen Exame gestallt:

- 978 Leit hunn de Sproochentest gemaach;
- 26 den LaF-Zertifikat;
- 30 den 1. Diplom an
- 10 den 2. Diplom.

Am ganze Schouljoer 2019/20 hunn eng 2.700 Leit ee vun dësen Exame gemaach, et kann een deemno soen, datt déi genannten Zuel fir de leschten annerhallwe Mount vum Schouljoer 2020/21 eng relativ héich war.

Fir d'Waardezäit räsonabel ze halen, huet den INL séier reagiert, extra Sessiounen geplangt an och ouni Tëscheffäll duerchgefouert. Doduerch kruten all d'Leit, déi hiren Dossier bis Enn Mee eragereecht haten, och nach d'Geleeënheet, dëst Schouljoer un engem vun de genannten Examen deelzehuelen.

**Ad 3)**

D'Leit, déi deelgeholl hunn, haten Nationalitéite vun de follgenden 99 Länner:

Afghanistan  
Ägypten  
Albanien  
Algerien  
Amerika (USA)  
Argentinien  
Armenien  
Aserbaidjan  
Bangladesch  
Belarus  
Belsch  
Bolivien  
Bosnien  
Brasilien  
Bulgarien  
Burkina Faso

Burundi  
Cap Vert  
China  
Costa Rica  
Côte d'Ivoire  
Däitschland  
Éisträich  
Ecuador  
Eritrea  
Estland  
Finnland  
Frankräich  
Gabun  
Georgien  
Ghana  
Griicheland  
Groussbritannien  
Guinea  
Holland  
Indien  
Irak  
Iran  
Israel  
Italien  
Jordanien  
Kongo  
Korea  
Kamerun  
Kanada  
Kasachstan  
Kenia  
Kirgisistan  
Kosovo  
Kolumbien  
Komoren  
Kuwait  
Kroatien  
Lettland  
Libanon  
Libyen  
Litauen  
Mali  
Marokko  
Mauritius  
Mexiko  
Montenegro  
Nicaragua  
Nigeria  
Nordmazedonien  
Norwegen  
Pakistan  
Palästina  
Philippinnen  
Polen

Portugal  
Ruanda  
Rumänien  
Russland  
Schwäiz  
Schweden  
Senegal  
Serbien  
Slowenien  
Somalia  
Spuenien  
Südafrika  
Sudan  
Syrien  
Tansania  
Thailand  
Tierkei  
Togo  
Tschechesch Republik  
Tunesien  
Uganda  
Ungarn  
Ukrain  
Uruguay  
Usbekistan  
Venezuela  
Vietnam  
Zypern

#### **Ad 4) a 5)**

Vun den 1.044 genannte Leit, déi ee vun deenen Exame matgemaach hunn, hunn der 651 e gepackt, dat mécht en Taux de réussite vun ongeféier 57 % aus. Opgeschlüsselt op déi verschidden Exame läit den Taux de réussite bei 65,6 % fir de Sproochentest, 27 % fir den LaF-Zertifikat, 60 % fir den LaF 1. Diplom an och 60 % fir den LaF 2. Diplom.

Déi genannten Exame sinn onofhängeg vun de Coursen am INL respektiv generell onofhängeg vu Coursen unzegesinn. Wou d’Kandidate Lëtzebuergesch geléiert hunn, spillt an dësem Kontext keng Roll, an duerfir féiert den INL doriwwer och keng Statistiken.

Well verschidden Nationalitéite ganz wéineg respektiv just eemol representéiert sinn, schéngt mir eng Opschlüsselung vum Taux de réussite no Nationalitéit aus Grënn vun der Protektioun vun de perséinlechen Donnéeën net ubrecht: Et kéint een nämlech d’Performance vu ganz villen eenzele Persounen erauslesen.